

DEMAND NA IZJAVU FEDERALNE ZASTUPNICE ELZINE PIRIĆ O POŽARU U JAMI „OMAZIĆI“ RMU „BANOVIĆI“ d.d. BANOVIĆI

Federalna zastupnica Elzina Pirić u današnjoj izjavi za medije kazala je da je u rudniku „Banovići“ u nedjelju 28. marta u jami „Omazići“ RMU „Banovići“ došlo do eksplozije i velikog požara, koji dva dana nije prijavljen nadlažnim institucijama. U svojoj izjavi navela je i da je u požaru uništena oprema vrijedna nekoliko desetina miliona maraka, a preko 650 rudara poslato na prinudni odmor, a da se njihova daljnja sADBINA ne zna.

V.D. direktor rudnika „Banovići“ Fadil Kudumović oštro demantuje navode Federalne zastupnice Elzine Pirić, te navodi da u jami „Omazići“ nije došlo do eksplozije već do izbjivanja požara.

„Požar u jami „Omazići“ dogodio se u nedjelju, 28. marta u 07:00 sati između dvije smjene, kada u jami nije bilo radnika i život nijednog uposlenika nije bio ugrožen. Ekipa članova čete za spasavanje u tom momentu je bila na licu mesta i već nakon deset minuta od izbjivanja požara sišla u jamu „Omazići“ na intervenciju. Rukovodilac Štaba službe za spasavanje u 08:30 sati, nakon zasjedanja, obavijestio je Federelnog rudarskog inspektora o slučaju, a zatim i Policijsku stanicu Banovići i Federalno ministarstvo energije, rudarstva i industrije.

Katastrofa je izbjegnuta, ne kako gospodica Pirić navodi zbog pomijeranja sata na ljetno računanje vremena, već zahvaljujući blagovremenoj intervenciji članova čete za spasavanje rudnika „Banovići“. Oštro demantujemo i izjavu da je prilikom požara u jami uništena oprema vrijedna nekoliko desetina miliona maraka, jer požar nije izbio u dijelu jame u kojem se nalaze mašine i oprema.

Sami uzroci požara nisu još utvrđeni, ali obzirom na niz „slučajnih“ događaja koji su prethodili vremenu izbjivanja požara (u trenutku kada rudari nisu bili u jami) baca ozbiljnu sumnju na slučajnost izbjivanja požara.

Posebno demantujemo izjavu da su radnici iz jame poslati kući, te da je njihova sADBINA neizvjesna. Napominjemo, da su svi radnici i dalje u radnom odnosu, a zbog vanredne situacije u jami, koju je proglašio Štab čete za spasavanje nedugo nakon požara, dio radnika u skladu sa Zakonom i zakonskim aktima poslat je na korištenje prvog dijela godišnjeg odmora, dok su ostali radnici raspoređeni na određene poslove u krugu jame. Nedostatak proizvodnje iz jame „Omazići“ biće nadoknađen povećanjem proizvodnje na površinskim kopovima, tako da ni isplata plata neće biti upitna.

Svi zaposlenici rade u cilju prevazilaženja vanrednog događaja, a Štab čete za spasavanje je u stalnom zasjedanju i rukovodi akcijom sanacije požara, na čelu sa Hasanom Sejdinovićem rukovodiocem Štaba za spasavanje, uz koordinaciju sa direktorom Društva.

Pozivamo sve uposlenike, predstavnike oba sindikata, da u narednom periodu zajedničkim radom doprinesu stabilizaciji proizvodnje i da ovakve događaje ne koriste za dodatno usložnjavanje situacije u Rudniku.

Ovim putem, također, molimo medije da prilikom informisanja javnosti koriste provjerene i tačne podatke o trenutnoj vanrednoj situaciji, koje u svakom momentu mogu dobiti od ovlaštenog stučnog lica,rukovodioca Štaba čete za spasavanje rudnika „Banovići“ Hasana Sejdinovića (060/ 34 52 348).

Federalnu zastupnicu Elzinu Pirić pozivamo da ne širi neistine o ovom dogadaju i napominjemo da je kao zaposlenica rudnika „Banovići“ u svakom momentu mogla dobiti informacije od stručnog lica, ovlaštenog od strane direktora Društva. Obzirom da godpođica Pirić od 20. maja prošle godine (od smjene tadašnje Uprave Društva) nije došla na posao, jasno je da nema provjerene informacije i da nije upoznata sa stanjem u Rudniku. Pozivamo je da se vrati na posao za koji je uredno plaćena, te da svojim neistinama ne nanosi štetu i narušava ugled Rudnika.

V.D. direktor


Fadić Kudumović, dipl.ing.rud.